



Republika e Kosovës
Republika Kosova
Republic of Kosovo



KUVENDI KOMUNAL/ASSEMBLY OF MUNICIPALITY/SKUPSTINA OPŠTINE
SKENDERAJ

Nr. 01-052/01-0040246/26
Data 21.09.2026



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës; 31.07.2026, ora 10:00

REND DITE

1. Fjala hyrëse;
2. Miratimi i rendit të ditës;
3. Shqyrtimi i procesverbalit nga mbledhja e kaluara;
4. Raporti i auditimit për pasqyrat financiare vjetore të Komunës së Skenderajt për vitin 2025, dhe plani i veprimit për zbatimin e rekomandimeve të auditorit të jashtëm, (**raporton drejtori i DBF-së, z. Behxhet Maliqi**) ;
5. Raporti financiar gjashtëmujor janar – qershor 2026, (**raporton drejtori i DBF-së, z. Behxhet Maliqi**) ;
6. Raporti gjashtëmujor i Këshillit për siguri në bashkësi për periudhën janar – qershor 2026, (**raporton Kryetari i Komunës z. Sami Lushtaku**) ;
7. Propozim - Vendim për miratimin e raportit përfundimtar nr.02-052/01-0027129/26, i datës; 15.07.2026, i hartuar nga komisioni komunal për vlerësimin e dëmeve si pasojë e fatkeqësive natyrore dhe fatkeqësive tjera për periudhën Janar - Qershor 2026, dëme të shkaktuara në bujqësi, në territorin e Komunës së Skenderajt, në vlerë totale 141,926.39 Euro, (**raporton Kryetari i Komisionit z. Hajzer Shala**) ;
8. Propozim – Vendim për caktimin e lokacionit për objektin e Ndërmarrjes Eko – Natyra, (**raporton Kryetari i Komunës z. Sami Lushtaku**) ;
9. Propozim – Vendim për shfuqizimin e vendimit për lejimin e shfrytëzimit të mjeteve financiare në shumë prej 5,000€ për mbështetje financiare për konferencën ndërkombëtare nga platforma Liria ka Emër, (**raporton Kryetari i Komunës z. Sami Lushtaku**);
10. Pyetjet e këshilltare nën piken të ndryshme.

Kryesuesja e Kuvendit, Adelina Spahiu – Alija : Përshëndetje i nderuar Kryetar i Komunës së Skenderajt z. Sami Lushtaku, i nderuari Nënkryetar z. Fadil Nura, te nderuar përfaqësues të Mapl, anëtar të Kuvendit, drejtor të drejtorive, dhe ju të gjithë të pranishmit, të pranishëm në sallë i kemi 25 anëtar, mungon me arsye Kushtrim Dragaj, mungon pa arsye Hysni Mehani, vazhdojmë me miratimin e rendit të ditës, e hap debatin, pasi që nuk ka tjerë për diskutim shkojmë me votim, konstatojmë se me 20 vota për, 2 kundër dhe 0 abstenim miratohet rendit i ditës, vazhdojmë me piken e radhës shqyrtimi i procesverbalit nga mbledhja e kaluar e hapi diskutimin pasi që nuk ka për të diskutuar shkojmë në votim, konstatojmë se me 21 për, 0 kundër dhe 2 abstenime miratohet procesverbali nga mbledhja e kaluar, vazhdojmë me piken 4 të radhës Raporti i auditimit për pasqyrat financiare vjetore të Komunës së Skenderajt për vitin 2025, dhe plani i veprimit për zbatimin e rekomandimeve të auditorit të jashtëm, (**raporton drejtori i DBF-së, z. Behxhet Maliqi**) ;

Behxhet Maliqi, DBF - Faleminderit Kryesuese, përshëndetje Nënkryetar, drejtor të drejtorive, anëtar të Kuvendit dhe ju të gjithë të pranishmit, para vetes e keni raportin e auditorit për pasqyrat financiare vjetore të Komunës së Skenderajt dhe plani i veprimit për zbatimin e rekomandimeve të auditorit të jashtëm, po paraqes në pika të shkurtera pasi që e keni marr materialin me kohë është një raport i pasqyrave financiare me disa të gjetura që nuk ka pasur mundësi Komuna me i evituar këto të gjetura të cilat kanë qenë të lidhura me nivelin qendror, gjithsej kanë qenë 11 të gjetura, pasi që materialin e keni para jush po i prezantoj në pika të shkurtura në faqen 3 i shihni B1 Shpenzime në vlerë prej 493,807€ janë paguar dhe regjistruar në kategorinë jo adekuate, pastaj B2 detyrimet kontigjente të prezantuara në pasqyrat vjetore financiare janë mbivlerësuar për 127,978, konsideroj se ky raport paraqet punën e jashtëzakonshme që ka bërë Komuna e jonë, pastaj e shihni planin e veprimit për zbatimin e rekomandimeve të auditorit të jashtëm, prezanton 11 çështjet nëpër kolona, nuk po e zgjati me shumë nëse keni pyetje urdhëroni.

Afrim Kabashi, NSD – Faleminderit Kryesuese, përshëndetje për të gjithë, raporti i auditorit ka rezultuar me 11 rekomandime, prej tyre janë 8 të përsëritura, a ka mundësi drejtor me na tregu se nëpër cilat drejtori janë këto të gjetura, cili është plani i veprimit që këto 8 të gjetura mos me na u përsërit prapë, faleminderit.

Behxhet Maliqi, DBF - Faleminderit Afrim, realisht janë disa të gjetura të përsëritura, këtë vit do mundohemi të mos na u përsëritën më, disa të gjetura i vlerësoj më shumë janë të natyrës teknike, dhe disa janë si shkakë i neglizhencës së stafit e që nuk do lejojmë më më ndodh, këto të gjetura kanë ndodh në financa si dhe tek avokati Komunal si dhe në disa drejtori.

Floriana Halili, LVV – Faleminderit Kryesuese përshëndetje për të gjithë sa i përket këtij raportit secili e dimë se nuk është real nuk është i drejtë këto të gjetura janë shqetësuese dhe po vërehet se ende po keni fuqinë me ndiku në ndryshimin e këtij raporti, ju mundeni me ndryshuar raportin po keq qeverisjen e juaj e din qytetaret, shihen 12 të gjetura të një çështje mbi 5 milion euro nuk janë realizuar në afat kohor auditori thotë se ky mos realizim ka ndiku si shkakë i mos kontrollit të mjaftueshëm nga Komuna, pastaj mjete të paguara të përmbaruesi për mos pagës të rrymës për çerdhe, pastaj llogarit e arketushme nuk kanë qenë të sakta në përgjithësi ky raport pasqyron se Komuna e jonë nuk është e afte me mbikëqyr buxhetin e saj.

Behxhet Maliqi, DBF - Me që nuk je ekonomiste nuk po paragjykoj, e para politik me pasqyra financiare nuk është mirë me ba, raporti i auditorit është i qartë është raport i kualifikuar është raport i drejtë i pasqyrave financiare dhe të bazuar ligjërisht dhe nuk është mirë me kështu vlerësimesh për institucionet e pavarura, leni institucionet le ti kryejnë punët e veta.

Kryesuesja e Kuvendit, Adelina Spahiu – Alija : Pasi qe nuk ka tjerë për diskutim, shkojmë në votim, konstatojmë se me 20 vota për, 0 kundër dhe 2 abstencime, përkrahjet raporti i auditimit për pasqyrat financiare vjetore të Komunës së Skenderajt për vitin 2025, dhe plani i veprimtimit për zbatimin e rekomandimeve të auditorit të jashtëm, vazhdojmë me piken e radhës Raporti financiar gjashtëmujor janar – qershor 2026, (**raporton drejtori i DBF-së, z. Behxhet Maliqi**) ;

Behxhet Maliqi, DBF – Faleminderit Kryesuese, para vetes keni raportin financiar gjashtëmujor janar – qershor 2026, po e paraqes ne pika te shkurtera pasi qe materialin e keni marr me kohë, ky raport është përgatitur ne përputhje me kërkesat ligjore për raportim, bazuar ne ligjin për financat publike dhe përgjegjësit, paraqet realizimin e buxhetit për këtë periudhë raportuese , pastaj paraqet burimin e te hyrave sipas burimeve neper programe, ne faqen 4 i shihni shpenzimet sipas kategorive ekonomike buxheti fillestar 20,245,396.00€ ndërsa buxheti i shpenzuar 11,785,332.21€ pastaj i shihni ne tabelat ne vazhdim shpenzimet dhe te hyrat neper drejtori, prezanton tabelat ne raport.

Afrim Kabashi, NSD – Flm Kryesuse, Drejtor e kam lexuar raportin financiar 6 mujor 2026,në raport keni theksuar se sumvencionet dhe transferet kanë shenuar realizim prej 46.96% te fondit aktual,dhe i ke potencuar në cillat programe,porë pasiqe i perkas atij profesioni dua te di qka është sumvencionuar në bujqësi konkretisht në cillat programe nga komuna apo është bashkëpjesmarrse në sumvencionimin e ndonjë projekti te realizuar nga ndonjë organizat e komuna participon në projekt..Tek shpenzimet buxhetore në raport ke theksuar se ka rritje te shpenzimeve në krahasim me vitet paraprake,ndërsa te hyrat vetanake te arketuara kanë arritur vleren 647.880.98 Eurove qe perfaqesonë 37.22% te pkanifikimit vjetor krahasuar në te njëjen periudhë te vitit paraprak 2025 niveli i arkëtimit është mai i ulët prandaj në bazë te kësaj si do te mund te realizohen projektet e planifikuar per tu realizuar,apo do te mbesin projekte te premtuara si në vitet paraprake.Do ti veqojë disa kode tek llojet e shpenzimeve.Tek tabela nr 3 llojet e shpenzimeve sipas kategorive.Tek kodi 13310-interneti vlere e shpenzimit 5472€Tek kodi 13445-sherbimet e veqanta konsulenc dhe kontraktor individual shpenzime te bëra 6277.70€Tek kodi 13610 furnizim per zyre vlere e shpenzuar 73414.03€.A ka mundësi drejtor te na informoni pse aqë shumë shpenzime te krijuara në këtë 6-mujor në krahasim me 6-mujorin e vitit 2025.Tek tabela nr 5 shpenzimet sipase programeve pyetja ime është pse departmenti i Buxhetit,Sherbimeve Publike,ZLK-së,Bujqësis,Zhvillimit

Ekonomik,Gjeodezisë,Urbanizmit,Kulturës,Shendësisë,Arsimit po i mungojnë kodet e shpenzimeve,kemi te bëjmë me gabim teknik apo qfarë bëhet fjalë.Tek tabela nr 5 shpenzimet sipase programeve tek drejtorja e administratës kodi nr 13140 Transporti per udhetime jashtë vendit shuma e shpenzuar 2694€,si dhe kodi nr 13142 Akomodim per udhëtime jashtë vendit shuma 1221€ këto shpenzime janë krijuar nga Drejtori dhe stafi i drejtorisë,apo janë bartur nga drejtorja e lartë cekur në ndonjë program tjeter.Tek kodi 13620 furnizim me ushqim dhe pije(jo dreka zyrtare)shpenzime te bëra 5598€ shpenzime te krijuara bajagi mirë.Tek kodi 14010 te mirmbajtja dhe riparimi i utornjeteve shuma e shpenzuar 3907€ shpenzime te krijuara kogja mirë e kurë dihet se kemi vetura te blera tashë vonë.Kodi 14023 mirmbajtja e ndërtesav arsimore shuma 25770€ cillat janë arsyet mi pague drejtorja e administrates kurë dihet qdo njëra drejtori e ka buxhetin e vetë per shpenzim,apo kemi te bëjmë në bartje në huazim nga drejtorja në drejtori.Tek kodi 13460-Sherbimet kontraktuese tjera shpenzim i bër 29252€ ,dhe tek kodi 14032 mirmbajtja e rrugëve lokale shpenzim i krijuar 96430€ tek Drejtorja e Inspektionit,kërkojmë informata nga ti Drejtor apo nga Drejtoret e drejtorive perkatse.

Behxhet Maliqi, DBF – Faleminderit Afrim, për realizimin e te hyrave është e vërtetë se janë realizu me pak te hyra se periudhën e njëjtë të vitit të kaluar, mirëpo shpresoj se do ta arrijmë deri

ne fund viti planin e relizimit te te hyrave, te shpenzimet per furnizim per zyre kane qene disa obligime te vitit te kaluar pa paguar dhe i kemi paguar, tek mirembajtja rutinore jane disa sherbime te Eko natyres, pastaj tek mirembajtje e paisje tjera hyjne kamerat e objekteve te Komunes.

Afrim Kabashi, NSD – Nje pyetje per Nenkryetarin pasi qe eshte jurist a keni ndonje kod buxhetor qe nuk guxon permbaruesi me i marr mjetet jo me pas problem edhe fillimin e shkollës atje me i marr permbaruesi mjetet.

Nenkryetari, z. Fadil Nura – Faleminderit Kryesuesc, pershendetje per te gjithë, Afrim pyetje me vend, kontrata kolektive eshte kontrate e lidhur me nivelin qendror qe ua kane lenë barrë Komunave, mirepo mos me pas telashe te tilla per shpenzime esenciale duhet mu mundu me te hyra vetanake me i mbulu disa shpenzime bazike, Komunitat e kane dergua ne Gjykatë cheshtjen e kontratën kolektive.

Rrezarta Hasani – Ibrahim, PDK – Faleminderit Kryesuese, pershendetje per te gjithë, ne baze te raportit shuma e te hyrave vetanake qe jane realizuar ne ketë 6 mujor jane 37.22% eshte perqindje e ulet cilat masa do ti ndermerni me e realizu planin e planifikun, pastaj realizimi i inkasimit tek tatimi ne prone 32% ndersa borxhet e qytetareve jane me te larta, cfare masash do ti ndermerni, edhe nje sqarim tek drejtoria e arsimit tek te hyrat nga participimi i femijëve per pages te cherdhes 15 mijë Euro me pakë se vitin e kaluar cila eshte arsyeja e kësaj perqindje kaq te vogël, duke e ditë se numri i cherdheve eshte rritur, per drejtorin e shendetesisë per pagesën e gjobës per cilën gjobë bëhet fjalë, faleminderit.

Behxhet Maliqi, DBF – Faleminderit Rrezarta pyetje shume me vend e vertete se kemi perqindje me te ulet te inkasimit tek te hyrat vetanake, kemi marr hapa u kemi dergu njoftime per pages te borxheve si ne tatim ne prone ashtu edhe drejtorit tjera per borxhe qe kane ndaj Komunes, besoj se deri ne fund te vitit do ta arrijme planin me realizuar, faleminderit.

Kastriot Duraku, DKA - Pershendetje per te gjithë, ne cherdhet tona jane nje numër qe lirohen nga pagesa e participimit te bazuar ne rregulloren Komunale, te tjerët paguajne mirepo ende financat nuk i kanë kaluar ne sistem pagesat qe jane bërë tek drejtoria e arsimit, faleminderit.

Hasan Hoti, DSHMS – Pershendetje per te gjithë, rrethe gjobës bëhet fjale per nje gjobë qe e kane shqiptuar ne QKMF inspektoriati gjobë 2000€ bashke me Avokatin e Komunes kemi ndermarr hapa ligjore rrethe saj.

Floriana Halili, LVV – Tek kodi 13430 sherbimet shendetësore, per vitin 2026, shuma prej 75,000.00€ cka perfshin.

Behxhet Maliqi, DBF – Ky kod perfshin sherbimet qe i ofron Kosova Med, sherbimet shendetësore qe i jep.

Kryesuesja e Kuvendit, Adelina Spahiu – Alija : Pasi qe nuk ka tjerë per diskutim, shkojme ne votim, konstatojme se me 20 për, 0 kundër dhe 2 abstenim, perkrahet Raporti financiar gjashtëmujor janar – qershor 2026, vazhdojme me piken e 6 Raporti gjashtëmujor i Keshillit per siguri ne bashkësi per periudhën janar – qershor 2026, raporton Nenkryetari.

Nenkryetari, z. Fadil Nura - Faleminderit Kryesuese, pershendetje per te gjithë raporti 6 mujor perfshin punën dhe aktivitetet qe jane kryer ne KKSBB, ky keshill eshte trup e Kuvendit ne te cilën janë trajtuar tema te ndryshme ne dobi te komunitetit, konkretisht cheshtje te sigurisë, gjate kësaj periudhe KKSBB ka mbajte 3 takime ne te cilat janë nxjerr rekomandime te ndryshme, nuk po e zgjati me shume te gjitha punët qe janë kryer i shihni ne raport, faleminderit.

Kryesuesja e Kuvendit, Adelina Spahiu – Alija : E hapi diskutimin per ketë pikë, pasi qe nuk ka per diskutim, shkojme ne votim, konstatojme se me 20 për, 2 kundër, dhe 0 abstenim, perkrahet raporti 6 mujor i KKSBB-së, vazhdojme me piken e radhës Propozim - Vendim per miratimin e raportit përfundimtar nr.02-052/01-0027129/26, i datës; 15.07.2026, i hartuar nga komisioni

komunal për vlerësimin e dëmeve si pasojë e fatkeqësive natyrore dhe fatkeqësive tjera për periudhën Janar - Qershor 2026, dëme të shkaktuara në bujqësi, në territorin e Komunës së Skenderajt, në vlerë totale 141,926.39 Euro,(raporton **Kryetari i Komisionit z. Hajzer Shala**) ; **Hajzer Shala, Kryetar i Komisionit** – Faleminderit Kryesues, përshëndetje për të gjithë, gjatë periudhës janar – qershor 2026, kanë qene gjithsej 16 raste të dëmeve në bujqësi 15 nga ngricat dhe 1 nga zjarri, shuma totale e dëmit është 141,926.39€, komisioni i ka trajtu te gjitha ka nxjerr raport te vlerësimit te cilin e keni në material, nuk po e zgjas me shumë, faleminderit.

Kryesuesja e Kuvendit, Adelina Spahiu – Alija : Faleminderit e hapi diskutimin.

Floriana Halili, LVV – Faleminderit Kryesues, nuk jam kundër përkrahjes se fermerëve, mirëpo në nuk po e dimë as kush janë këta, çka janë dëmtuar, nuk dimë se çka te votojmë, i keni fsheh emrat.

Hajzer Shala, Kryetar i Komisionit – Emrat janë mbyllë për shkak te privatësisë, nuk ka arsye tjera, keni te drejtën e qasjes ne te gjitha dokumentet, të gjithë janë fermerë të Komunës sonë, pa problem e keni te drejtën ligjore ne te gjitha këto lista e dokumente.

Nënkryetari, z. Fadil Nura - Po e shoh te nevojshme me sqaru, nuk po i publikojnë emrat vetëm për shkak te privatësisë, mirëpo keni te drejt ne qasje te plot ne dokument, kërkon pa problem komisioni ju ofron te gjitha informatat.

Abdullah Gashi, PDK – Përshëndetje për të gjithë, kurgju te keqe nuk do kishte nëse do ishin emrat le te dihet kush janë përfituesit pse mos me qene ma transparent.

Nezir Bejta, LVV – Mbasi është Kryetari i Komunës këtu, le te na sqaroj pse me u fsheh emrat.

Hajzer Shala, Kryetar i Komisionit – 15 fermer janë nga ngricat dhe vetëm 1 nga zjarri.

Sabit Ferizi, DBPZHR – Keto janë nga ngricat e muajit majc, qe i ka dëmtuar shume pemishte.

Kryesuesja e Kuvendit, Adelina Spahiu – Alija : Pasi qe nuk ka tjerë për diskutim, shkojmë në votim konstatojmë se me 20 për, 2 kundër, dhe 0 abstenim miratohet raporti përfundimtar për dëmet, janar – qershor 2026, vazhdojmë me piken e radhës Propozim – Vendim për caktimin e lokacionit për objektin e Ndërmarrjes Eko – Natyra, raporton Nënkryetari i Komunës,

Nënkryetari, z. Fadil Nura - Propozimi ne fjale vije pas kërkesës së Ndërmarrjes Eko Natyra, për definimin e pronësisë, për shkak se te cilët aplikojnë ne projekte të ndryshme e kriter duhet te jete çështja e pronësisë, e qe ajo prone është ne pronësi te Komunës, kërkoj qe këtij propozimi ti shtohet edhe nje pjese nenit 3 i jepet ne shfrytëzim prona komunale me sipërfaqe dhe lokacion te përcaktuar me certifikatë dhe kopje te planit te cilat janë te bashkangjitur ne propozim, andaj kërkoj qe ta miratoni këtë propozim – vendim, faleminderit.

Kryesuesja e Kuvendit, Adelina Spahiu – Alija : Faleminderit, Nënkryetar, e hapi diskutimin.

Nezir Bejta, LVV – Ne cilën pjese të qytetit gjendet kjo parcelë.

Abdullah Gashi, LVV – Unë mendoj se është një propozim shume me vend, pasi qe kjo ndërmarrje po bene pune të shkëlqyer.

Afrim Kabashi, NSD – Nëse meriton dikush komplimente për punën qe bëjnë atëherë ata janë Eko – Natyra, po bëjnë punë të mrekullueshme.

Nënkryetari, z. Fadil Nura – Parcela është tek objekti ku është ndërtuar për ndërmarrjen.

Kryesuesja e Kuvendit, Adelina Spahiu – Alija : Pasi qe tjerë për diskutim nuk ka, shkojmë me votim, konstatojmë se me 21 vota për, 0 kundër dhe 2 abstenime, miratohet Propozim – Vendim për caktimin e lokacionit për objektin e Ndërmarrjes Eko – Natyra, vazhdojmë me piken e radhës, Propozim – Vendim për shfuqizimin e vendimit për lejimin e shfrytëzimit të mjeteve financiare në shumë prej 5,000€ për mbështetje financiare për konferencën ndërkombëtare nga platforma Liria ka Emër, raporton Nënkryetari i Komunës,

Nënkryetari, z. Fadil Nura - Faleminderit Kryesuese, propozimi në fjale ka të bëjë me mbështetjen financiare për platformën Liria Ka Emër, të cilën e kemi mbështet me shumë prej 5000€ e që të cilin vendim Ministria e Financave na e ka kthyer të jashtëligjshëm me arsyetimet jo mirë të sqaruara e që në për shkak të performancës e kemi sjell për shfuqizim edhe pse Komuna ka kompetenca me të zgjeruara financiare pasi që vetë asambleja e miraton vetë buxhetin e mundësit për mbështetje të tilla financiare i ka mirëpo si do qofte në të shfuqizojmë dhe kërkoj që ta miratoni këtë propozim- vendim, faleminderit.

Kryesuesja e Kuvendit, Adelina Spahiu – Alija : Faleminderit Nënkryetar, e hapi diskutimin, pasi që nuk ka për diskutim, shkojmë në votim, konstatojmë se me 25 vota për, 0 kundër dhe 0 abstenim miratohet Propozim – Vendim për caktimin e lokacionit për objektin e Ndërmarrjes Eko – Natyra, vazhdojmë me piken e radhës, Propozim – Vendim për shfuqizimin e vendimit për lejimin e shfrytëzimit të mjeteve financiare në shumë prej 5,000€ për mbështetje financiare për konferencën ndërkombëtare nga platforma Liria ka Emër, vazhdojmë me piken e radhës pyetjet e këshilltarëve nën piken të ndryshme.

Abdulla Gashi, PDK – Faleminderit Kryesuese, përshëndetje për të gjithë këto janë pyetjet e mia për këtë seancë Për Drejtorin e Shërbimeve publike z.Arber GeciPërshëndetje,Dëshiroj t'ju parashtroj një shqetësim lidhur me bllokimin e kanalizimit në zonën e rrugës Ilaz Kodra, pranë Viva Fresh dhe Stadiumit të Futbollit Bajram Aliu. Sa herë që ka reshje shiu, krijohen vërshime të ujit që po shkaktojnë dëme të konsiderueshme në bizneset e kësaj zone.A keni mundësi të ndërmerri masa konkrete për zgjidhjen e këtij problemi dhe për t'i mbrojtur bizneset nga dëmtimet e mëtejshme që shkaktohen nga uji?Pyetje për drejtorin për shëndetësisë dhe mirëqenie sociale z. Hasan Hoti: Drejtor, a mund të na tregoni se çfarë është bërë me lifin e QKMF-së? A është rregulluar dhe a është aktualisht funksional? Qytetarët do të vlerësonin një informim lidhur me këtë çështje.Faleminderit!

Arber Geci, DPSH – I nderuari Gashi, e kemi evidentuar atë problematik, dhe kemi intervenu mirëpo nuk është zgjidh problemi, presim deri ta kontraktojmë ndonjë operator e do ta zgjidhim atë problematik.

Hasan Hoti, DSHMS - Faleminderit për pyetjen, sa i përket ashensorit në QKMF, tash me është në funksion.

Afrim Kabashi, NSD – Faleminderit Kryesuese, pyetjet e mira janë këto Per Drejtorin për shërbime publike,apo drejtorin e inspektionit.Drejtor nën perkujdesjen e kujtë është objekti i dedikuar për varrosjen e qytetarve të Skenderajt në lokacionin e ishë varrezave të deshmorve në Polac,dhe a është ndërmarrë diçka për perkujdesjen e këtij objekti kur kihet parasyshtë dëmtimet që janë bërë nga dora e njeriut.Fotot tregojnë dëmtimin e bërë në këtë objekt!2.)Per Drejtorin për UrbanizemDrejtor a ka mundësi buxhetore për rregullimin e rrethërotullimit në pjesën e rrugës Polac-Vushtrri gjegjesishtë në pjesën ku lidhen lagjet e Gjamis,Koci dhe Xani,ku do të bëhej zgjidhje pozitive për evitimin e ndeshjeve në komunikacion të cillat janë bërë evidente qdo javë!3.)Per Drejtorin për urbanizemDrejtor sa janë mundësit buxhetore për të intervenuar në rehabilitimin e rrugës Mikushnic-Gojfile ku thuajse është bërë e pakalushme për vetura! Per drejtorin e bujqesise A keni planifikuar në buxhetin e paraparë në perkrahje të bujqëve në raste të fatkeqsive natyrore,e pikerisht tashë sa janë mundësit që të perkrahen fermeret e demtuar nga Bresheri e kurë kemi parasyshtë dëmtimi ka ndodhë në frytdhënje!

Arber Geci, DPSH – I nderuari Kabashi, jemi ne dijeni për dëmtimet e pjesës te varrezat e qytetit, do te ndërmarrim masa, është pastru ajo pjese nga Eko – Natyra, edhe pjesën e objektit te varrezave si te krijohen mundësit financiare do ta rregulojmë.

Arbnor Citaku, DUMA - Afrim i dimë ato probleme me rrugë, vetë i kam vizituar mirëpo nuk kemi buxhet këto janë mundësit, kur te kem mundësi financiare do ti trajtojmë.

Sabit Ferizi, DBPZHR – Afrim asnjë Komunë nuk ka fond për përkrahje financiare te fermerëve ne rastet e fatkeqësive natyrore, ne si Komune i vlerësojmë me Komisionet tona i përcjellim ne nivel qendrore për kompensim.

Kryesuesja e Kuvendit, Adelina Spahiu – Alija : Pasi qe veç i trajtuam te gjitha pikat e rendit të ditës, e mbylli këtë takim, ju uroj pushime te mira, ne muajin Gusht nuk do mbajmë seance, kaloni mire, deri ne seancën e radhës.

Procesmbajtësi

